



Broj: *SA-1612/19*  
Sarajevo, 17.05.2021. godine.

Na osnovu člana 10. stav 1) tačka c) i člana 18. stav 2) Zakona o javnim nabavkama („Službeni glasnik BiH“, broj 39/14), član 136. Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20), člana 108. Statuta Univerziteta u Sarajevu i člana 28. Pravilnika o javnim nabavkama roba, usluga i radova Univerziteta u Sarajevu, broj: 02-17-1/19 od 25.01.2019. godine, dekan Fakulteta po službenoj dužnosti donosi sljedeću:

### ODLUKU

**o izuzeću od primjene Zakona o javnim nabavkama i pokretanju postupaka nabavki iz projekta „Rock the Green Trail Via Dinarica“**

#### Član I.

#### (Predmet nabavke)

Ovom Odlukom se u skladu sa ukazanom potrebom pokreće postupak nabavki kako slijedi:

1. Nabavka usluge montaže unutrašnjih stijene - usluga, procjenjena vrijednost 9.000,00 KM.
2. Nabavka usluge postavljanja vanjskih penjališta- usluge, procjenjena vrijednost 12.000,00 KM.
3. Nabavka IT opreme- robe, procjenjena vrijednost 16.500,00 KM.
4. Nabavka IT usluge (trening, licence i experti) - usluge, procjenjena vrijednost 30.000,00 KM.
5. Nabavku obilježavanja penjališta- robe, procjenjena vrijednost 6.000,00 KM.
6. Nabavka tabli za penjalište-robe, procjenjena vrijednost 11.000,00 KM.
7. Nabavka izrede video materijala, procjenjena vrijednost 10.000,00 KM.
8. Nabavka opreme za penjače-robe, procjenjena vrijednost 15.000,00 KM.

#### Član II.

Od primjene Zakona o javnim nabavkama („Službeni glasnik BiH“, broj: 39/14) izuzimaju se nabavke iz člana I ove Odluke, uz obezbjeđenje transparentnosti procedure nabavke. Postupci nabavki će se provesti prema procedurama donatora.

#### Član III.

#### (Izvor finansiranja)

Predmetna nabavka je finansirana sredstvima Europske unije, a na osnovu Sporazuma za „Project Local Development Strategies - Programme for Local Self Government and Economic Development in Bosnia and Herzegovina, sporazumne strane: Fakultet sporta i tjelesnog odgoja Univerziteta u Sarajevu i Deutsche Gesellschaft für Internationale Zusammenarbeit (GIZ) GmbH, broj 81256210.



#### **Član IV. (Provođenje Odluke)**

Za realizaciju ove Odluke zadužuje se Komisija za javne nabavke za realizaciju projekta „Rock the Green Trail via Dinarica“ za 2021. godinu imenovana Odlukom dekana broj: 01-1506/21 od 05.05.2021. godine zajedno sa voditeljem projekta „Penjališta na liniji Via Dinarika“ angažovanom na temelju Odluke dekana, broj: 01-2715/20 od 11.09.2020. godine.

Komisija za javne nabavke i voditelj projekta su obavezni u svom radu pridržavati se pravila donatora, odredbi zakona i podzakonskih akata Bosne i Hercegovine.

#### **Član V. (Dostavljanje Izvještaja)**

Dostavljanje Izvještaja Agenciji za javne nabavke vršiti će se u skladu sa članom 75. Zakona o javnim nabavkama BiH i članom 9. stav (4) Uputstva o uslovima i načinu objavljivanja obavještenja i dostavljanju izvještaja u postupcima javnih nabavki u informacionom sistemu „E-nabavke“ („Službeni glasnik BiH“, broj: 90/14 i 53/15).

Izvještaj iz predhodnog stava Agenciji za javne nabavke dostavljat će Komisija, u roku od 30 dana od dana donošenja odluke.

#### **Član VI. (Objavljivanje osnovnih elementata Ugovora)**

Nakon što ugovorni organ dostavi izvještaj Agenciji, objavit će na svojoj internet stranici osnovne elemente ugovora za one nabavke za koje bude zaključen ugovor, kao i sve izmjene ugovora do kojih dođe u toku realizacije ugovora, na način i u formi koji je utvrđen Uputstvom o objavi osnovnih elemenata ugovora i izmjena ugovora („Službene glasnik BiH“, broj: 56/15), za što se zadužuje Komisija.

#### **Član VII. (Stupanje na snagu)**

Ova odluka stupa na snagu danom donošenja i bit će objavljena na web stranici Fakulteta sporta i tjelesnog odgoja Univerziteta u Sarajevu [www.fasto.unsa.ba](http://www.fasto.unsa.ba).

#### **Obrazloženje**

Članom 10. stav (1) tačka c) Zakona o javnim nabavkama („Službeni glasnik BiH“, broj: 39/14), propisano je izuzeće od primjene odredaba Zakona o javnim nabavkama Bosne i Hercegovine za ugovore koji se dodjeljuju u skladu sa međunarodnim sporazumom kojem se primjenjuje posebna procedura međunarodnih, kreditnih ili donatorskih aranžmana ili ugovora o javnoj nabavci koji je zaključen u skladu s posebnim pravilima definiranim međunarodnim ugovorom između Bosne i Hercegovine i jedne ili više država za projekte



koje će ugovorne strane zajednički izvoditi ili koristiti, ili na osnovu međunarodnih sporazuma o stacioniranju trupa koje zaključi Bosna i Hercegovina.

Članom 18. stav (2) Zakona o javnim nabavkama Bosne i Hercegovine ("Službeni glasnik BiH", broj: 39/14), propisano je da u slučaju izuzeća od primjene iz člana 10. Zakona o javnim nabavkama BiH, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) člana 10. Zakona o javnim nabavkama BiH.

S obzirom da je predmet nabavke finansiran sredstvima Europske unije, a na osnovu Sporazuma za "Project Local Development Strategies - Programme for Local Self Government and Economic Development in Bosnia and Herzegovina, sporazumne strane: Fakultet sporta i tjelesnog odgoja Univerziteta u Sarajevu i Deutsche Gesellschaft für Internationale Zusammenarbeit (GIZ) GmbH, broj 81256210., a kako se na navedene postupke nabavke primjenjuju pravila donator, to su ispunjeni uslovi za izuzeće od primjene Zakona o javnim nabavkama BiH u skladu sa članom 10. stav (1) tačka c) Zakona o javnim nabavkama BiH.

Imajući u vidu navedeno, a u cilju realizacije Projekta, a na temelju prijedloga Voditeljice projekta, broj: 01-1492/21 od 07.05.2021. godine, donesena je odluka kao u dispozitivu.

DEKAN  
Prof.dr Haris Alić

Akt pripremla:  
Vedrana Bijić, MA prava

**Dostaviti:**

- Dekan
- Sekretar
- Komisija za JN za projekat „Rock the Green Trail Via Dinarica“
- Voditelj projekta
- Računovodstvo
- Web
- Pravna služba
- a/a



Broj: 011-1692-1/21  
Sarajevo, 17.05.2021. godine

- DEKANU

n/r prof.dr Harisa Alića

**PREDMET: STRUČNO MIŠLJENJE O USKLAĐENOSTI SA ZAKONOM I STATUTOM**

prijedloga Odluke o izuzeću od primjene Zakona o javnim nabavkama i pokretanju postupka nabavke iz projekta „Rock the Green Trail Via Dinarica“

Na osnovu člana 126. stav (2) Zakona o visokom obrazovanju („Službene novine Kantona Sarajevo“, broj: 33/17, 35/20 i 40/20), sekretar fakulteta, daje sljedeće

**MIŠLJENJE**

1. Prijedlog akta:

Odluka o izuzeću od primjene Zakona o javnim nabavkama i pokretanju postupka nabavke iz projekta „Rock the Green Trail Via Dinarica“, nije u suprotnosti sa Zakonom o javnim nabavkama, Zakonom o visokom obrazovanju i Statutom Univerziteta u Sarajevu. Ovo mišljenje odnosi se na nadležnost i osnov za donošenje iste, dok se izuzima mišljenje u odnosu na finansijska sredstva projekta, usklađenost sa Budžetom projekta, projektom i pravilima donatora, obzirom da o navedenom nemam stručna znanja.

Opreza radi ističem da Fakultet do momenta donošenja ovog mišljenja u arhivi nema niti original niti kopiju primjerka ugovora o grantu potpisan i od strane GIŽa, kao ugovorne strane predmetnog ugovora. Svakako treba imati u vidu da se ugovorom o grantu dodjeljuju Fakultetu značajna finansijska sredstva, a iz kojih sredstava se i nabavlja predmetna nabavka.

Shodno navedenom, ovo mišljenje se odnosi samo na nadležnost donošenja ove Odluke, odnosno dekan je nadležna za donošenje predmetne odluke, te je u dispoziciji dekana da li će donijeti Odluka o izuzeću od Zakona o javnim nabavkama i pokretanju postupka nabavke iz projekta „Rock the Green Trail Via Dinarica“, prije nego što Fakultet zaprimi Ugovor o grantu potpisanog od strane obje ugovorne strane iz kojeg proizilaze finansijska sredstva projekta i finansiranje predmeta nabavke.

**Obrazloženje**

Dekan fakulteta predmetnu odluku donosi na osnovu člana 10. stav 1) tačka c) i člana 18. stav 2) Zakona o javnim nabavkama („Službeni glasnik BiH“, broj 39/14), član 136. Zakona o visokom obrazovanju („Službene novine Kantona Sarajevo“ broj: 33/17, 35/20 i 40/20), člana 108. Statuta Univerziteta u Sarajevu i člana 28. Pravilnika o javnim nabavkama roba, usluga i



---

radova Univerziteta u Sarajevu, broj: 02-17-1/19 od 25.01.2019. godine, a na temelju prijedloga Voditeljice projekta, broj: broj: 01-1492/21 od 07.05.2021. godine.

**SEKRETAR**  
**Alma Čeljo, dipl. pravnik**